

V.

- Dulcis amica mea, speciosior es Galathea,
 Gloria, flos, speculum, lux atque decus mulierum,
 Unica spes vitae, dulcis amica, meae,
 Unica dilecta, praecellis amoena virecta¹;
 5 Pulcrrior es flore, plus omni suavis odore,
 Pulcrrior ac Chrysis, plus omnibus antea visis,
 Plus Helena pulcra, plus quam Venus esset et ultra,
 Et plus quam Phyllis, Iuno, Venus aut Amaryllis²
 Plus etiam Dana, plus quam foret ipsa Diana.
 10 In terra nulla fuit unquam pulcrrior illa,
 Immo nec qualis nec abhinc erit altera talis.
 Quae modo sunt vel erunt, cedunt tibi, quaeque fuerunt.
 Testeque Fortuna tu pulchrior omnibus una,
 Lucifer ut stellis, sic es praelata puellis³.
 15 Testor et est verum, quod sis pulcherrima rerum.
 Euge decus mundi, sexus regina secundi,
 Cura meae mentis, tocius gloria gentis,
 Femina regalis, maiestas imperialis,
 Nynpha salutaris merito fore diva putaris,
 20 Gemma puellarum, splendor generalis earum,
 In media plebe splendens velut aurea Phebe,
 Nobilior lauro, puro rutilantior auro,
 Mollior es pluma, matura mitior uva,
 Et, si concedis, teneris lascivior (h)edis.
 25 Elegi solam totam sine labe decoram.
 Non habitura parem, nisi fugitura sodalem,
 Haec, tibi succincte quae scripsi, mente relinque
 Atque memor pro me semper sub corde repone;
 Gaudia neque vafer nostri subducat adulter;
 30 Sisque memor dulcis, mea bella puella, sodalis,
 Hec tu ne vento tradas, dilecta, memento:
 Vive vale semper, te plus me non colit alter.

VI.

Vivere non possum sine te, neque vivere tecum,
 Istud namque timor impedit, illud amor.
 O! utinam sine te vel tecum vivere possem,

V. fol. 5 r. col. II. 1: galatea. 4: amena. 6: crisis. Nach v. 6 ist v. 5 wiederholt: Plus etiam flore, pl. 7: phyllis — amarillis. Nach v. 9 sind wiederholt v. 7 (aber 'Thais') für 'Venus' und v. 6: Plus quoque quam grisis pl. 16: euge Ergo. 27: Hae. 31: dilectâ.

VI. fol. 6 r. col. I.

1) Vgl. Verg. Aen. VI, 638. 2) Vgl. oben IV, 10. 3) Ovid, Metam. IV, 56.